



ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

22, Երևան, 0025, Ալեք Մանուկյան 1 • Республика Армения, Ереван, 0025, Алека Манукяна 1 • 1 Alex Manoogian st., Yerevan, 0025, Republic of Armenia
(+374 10) 55-47-52, (+374 10) 55-46-41 (Fax), info@ysu.am, www.ysu.am

«12» փետրվար 2024թ.

«ԱՎԳՈՄԵ ՇԻՆ» ՍՊ ԸՆԿԵՐՈՒԹՅԱՆ ՏՆՕՐԵՆ ԻՇԽԱՆ ԱՎԱԳՅԱՆԻՆ

(ՀՎՀՀ՝ 08428952,
հասցե՝ «Ք. Գավառ, Գեղեոն Միքայելյան, տուն 69»,
էլ. փոստ՝ «avgome@mail.ru»)

ԾԱՆՈՒՑՈՒՄ

ՊԱՅՄԱՆԱԳԻՐԸ ՄԻԱԿՈՂՄԱՆԻ ԼՈՒԾԵԼՈՒ ՄԱՍԻՆ

Հարգելի պարոն Ավագյան,

«Երևանի պետական համալսարան» հիմնադրամի (այսուհետ՝ ԵՊՀ) կողմից 2023 թվականի օգոստոսի 25-ին տեղեկագրում (www.gnumner.am) հրապակարակվել է նստարանների և ճոճանակների ձեռքբերման «ԵՊՀ-ԷԱՃԱՊՁԲ-23/83» ծածկագրով գնման ընթացակարգ (այսուհետ՝ Ընթացակարգ): Ի թիվս այլ մասնակիցների Ընթացակարգին մասնակցության հայտ է ներկայացվել նաև «ԱՎԳՈՄԵ ՇԻՆ» ՍՊ ընկերության կողմից (ՀՎՀՀ՝ 08428952, այսուհետ՝ Ընկերություն):

Ընթացակարգի գնահատող հանձնաժողովի 2023 թվականի սեպտեմբերի 12-ի նիստի արձանագրության 7-րդ կետով Ընկերությունը Ընթացակարգի հրավերի 2-րդ չափաբաժնի («նստատեղեր») մասով ճանաչվել է ընտրված մասնակից, 2023 թվականի հոկտեմբերի 3-ին ԵՊՀ և Ընկերության միջև կնքվել է «ԵՊՀ-ԷԱՃԱՊՁԲ-23/83-1» ծածկագրով և 2,481,600 (երկու միլիոն չորս հարյուր ութսունմեկ հազար վեց հարյուր) ՀՀ դրամ ընդհանուր գնով պայմանագիր (այսուհետ՝ Պայմանագիր), իսկ 2023 թվականի հոկտեմբերի 23-ին արդեն ԵՊՀ և Ընկերության միջև՝ հիմք ընդունելով «Գնումների մասին» օրենքի 15-րդ հոդվածի 6-րդ մասը և Պայմանագրի 8.15 կետը, կնքվել է ֆինանսական միջոցների նախատեսման համաձայնագիր և հաստատվել գնման առարկայի մատակարարման վերջնաժամկետը՝ այն է ֆինանսական միջոցների հատկացման համաձայնագրի կնքման օրվանից հաշված 30 օրացուցային օրվա ընթացքում (ստացվում է մինչև 2023 թվականի նոյեմբերի 22-ը ներառյալ):

Ընկերությունը Պայմանագրով նախատեսված գնման առարկայի մատակարարումը մինչ օրս չի իրականացրել: Կնքված Պայմանագրի 2.1.1 կետի համաձայն գնորդն իրավունք ունի «անյրանքը պայմանագրով սահմանված ժամկետում վաճառողի կողմից չմատակարարելու դեպքում հրաժարվել ապրանքից, եթե մատակարարման ժամկետները խախտվել են 5 օրից ավելի», իսկ 6.6 կետի համաձայն «Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով»:

ՀՀ կառավարության 2017 թվականի մայիսի 4-ի N 526-Ն որոշման 1-ին կետի 1-ին ենթակետով հաստատված կարգի 33-րդ կետի 17-րդ ենթակետի համաձայն «պայմանագիր կնքած անձի կողմից ստանձնված պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը պատվիրատուն հրապարակում է տեղեկագրում՝ նշելով հրապարակման ամսաթիվը: Պայմանագիր կնքած անձը համարվում է պայմանագիրը միակողմանի լուծելու մասին պատշաճ ծանուցված՝ ծանուցումը տեղեկագրում հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը ուղարկվում է նաև պայմանագիր կնքած անձի էլեկտրոնային փոստին»:

Հիմք ընդունելով վերոգրյալը, հնչպես նաև «Գնումների մասին» օրենքի 6-րդ հոդվածի 1-ին մասի 6-րդ կետի ա) ենթակետի պահանջները, ԵՊՀ-ն որոշել է պայմանագիր կնքած անձի կողմից ստանձնված պարտավորությունները չկատարելու հիմքով Պայմանագիրն ամբողջությամբ միակողմանի լուծել:

ՀԱՐԳԱՆՔՈՎ՝

ԸՆԴՀԱՆՈՒՐ ՀԱՐՑԵՐԻ ԳԾՈՎ ՊՐՈՌԵԿՏՈՐ



Ա. Գ. ՄԱԼԽԱՍՅԱՆ